



საქართველოს ეკონომიკისა და მდგრადი განვითარების მინისტრი
ბრძანება

№ 1-1/178

09 / ივლისი / 2013 წ.

საქართველოს ეკონომიკისა და მდგრადი განვითარების სამინისტროს, სსიპ - სახელმწიფო ქონების ეროვნული სააგენტოსა და სსიპ - საქართველოს ტურიზმის ეროვნული ადმინისტრაციის არსებული ორგანიზაციული სტრუქტურის ფორმირებისთვის საკონსულტაციო მომსახურების სახელმწიფო შესყიდვის მიზნით ერთობლივი ტენდერის განხორციელების თაობაზე

„სახელმწიფო შესყიდვების შესახებ“ საქართველოს კანონის მე-9 მუხლის 1¹-ლი პუნქტის, „საქართველოს ეკონომიკისა და მდგრადი განვითარების სამინისტროს დებულების დამტკიცების შესახებ“ საქართველოს მთავრობის 2004 წლის 10 სექტემბერის N77 დადგენილებით დამტკიცებული დებულების მე-8 მუხლის მე-3 პუნქტის „ა“ და „რ“ ქვეპუნქტების, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-4 მუხლის საფუძველზე,

ვბრძანებ:

1. საქართველოს ეკონომიკისა და მდგრადი განვითარების სამინისტროს სატენდერო კომისიის აპარატმა უზრუნველყოფს სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად ერთობლივი ტენდერის ჩატარება.
2. დამტკიცდეს საქართველოს ეკონომიკისა და მდგრადი განვითარების სამინისტროს, სსიპ - სახელმწიფო ქონების ეროვნული სააგენტოსა და სსიპ - საქართველოს ტურიზმის ეროვნული ადმინისტრაციის არსებული ორგანიზაციული სტრუქტურის ფორმირებისთვის საკონსულტაციო მომსახურების სახელმწიფო შესყიდვის სატენდერო დოკუმენტაცია დანართის შესაბამისად.
3. გამარტივებულ ელექტრონულ ტენდერში გამარჯვებულ პრეტენდენტთან ანგარიშსწორება განხორციელოს საქართველოს ეკონომიკისა და მდგრადი განვითარების სამინისტრომ, სსიპ - სახელმწიფო ქონების ეროვნულმა სააგენტომ და სსიპ - საქართველოს ტურიზმის ეროვნულმა ადმინისტრაციამ.
4. გამარტივებულ ელექტრონულ ტენდერში გამარჯვებულ პრეტენდენტთან ხელშეკრულება გაფორმდეს სახელმწიფო შესყიდვების შესახებ კანონმდებლობით დადგენილი წესით.
5. მომსახურების მიწოდება განხორციელდეს ამ ბრძანების მე-2 პუნქტით დამტკიცებული დანართით მოცემულ სატენდერო დოკუმენტაციაში არსებული ვადებისა და პირობების შესაბამისად.

მინისტრი

გიორგი კვირიკაშვილი